



東華錄卷五

湘源蔣良騏千之父

順治九年十二月江西撫蔡士英奏官兵恢復安福永新二縣調阿爾津為定南將軍同馬喇希統兵征湖廣逆賊諭刑部巨盜李應試潘文學盤踞都下多歷年所官兵民莫敢櫻鋒今因別事發覺審得李應試別名黃

臚李三元。係明朝重犯。漏網出押。專一聚養
強盜。交結官司。役使衙蠹。遠近盜賊。競輸重
貲。南城鋪行。盡納常例。明作威福。暗操生殺。
他若崇文門一應稅務。自立規則。擅抽課錢。
惡姪殺人。死者家不敢申訴。諸如此類。罪不
可勝數。潘文學。自充馬販。潛通賊線。挑聚臚
健馬驛。接濟遠近盜賊。每次多或一二百匹。

頭少或數十匹頭羣盜得騎如虎生翼且交通官吏包攬不公不法之事任意興滅甚至文武官員多與投刺會飲道路側目莫敢誰何以上二犯罪大惡極舉國官民人等皆言罪當萬死故將李應試潘文學併伊子姪俱行梟斬又兵科都給事中李運長身為言官反與應試姪李天鳳聯宗認為兄弟將天鳳

子李蓁冒作己子充送官監及事覺仍藏匿
天鳳子希圖倖免姑從寬典止誅運長及李
蓁以後各衙門勿得徇縱以取罪戾再有與
奸盜往來者事發定行連坐是歲人丁戶
口一千四百四十八萬三千八百五十八
地山蕩四百三萬三千九百二十五頃四畝
有奇畦地二萬二千九百八十個徵銀二千

一百二十六萬一千三百八十三兩五錢有
奇。米麥豆五百六十二萬八千七百一十一
石一斗有奇。草五百二十一萬六千八百四
十束。中茶三萬七千一百七十八篋。行鹽三
百七十四萬六千二百三引。徵課銀二百一
十二萬二千一十四兩二錢有奇。鑄制錢二
十萬九千七百六十三萬三千八百五十有

奇銅錢二十萬一千二百一十有奇鈔一十二萬八千一百七十二貫四百七十有奇

順治十年正月庚午諭內三院朕自親政以來各衙門奏事但有滿臣未見漢臣朕思大小臣工皆朕腹心手足凡進奏本章內院六部都察院通政大理等衙門滿漢侍郎卿以上叅同來奏其奏內事情或未當者可以願

問商酌。爾等傳諭諸臣。務體朕懷。各竭公忠。
盡除推諉。以昭一心一德之盛。罕未諭內
三院。近來言官條奏多係細務。未見有規切
朕躬者。朕一日萬幾。豈無未合天意。未順人
心之事。良由諸臣畏憚忌諱。不敢進諫耳。朕
雖不德。於古帝王納言容直。每懷忻慕。朕躬
如有過失。諸臣須直諫無隱。即有未合。不妨

再三開陳。庶得省改。力行正直。希臻治平。進
言切當者。必加旌獎。言之過贛者。亦不譴責。
即傳諭大小諸臣。俾咸悉朕意。工科愛惜
喇庫哈番。散都給事中姚文然言。近兵部大
臣。皆因得罪。鎖禁發門。天寒地凍。日久成疾。
且通衢大路。功貴大臣。帶領褻辱。非所以廣
皇仁。而存國體得旨。以後滿漢諸臣。有犯貪

惡重大事情，應發刑部者，在部守候，不必鎖拿送問。審有實據，引律擬罪，奏請處分。

定遠大將軍敬謹親王等奏捷云：九年十一月十九日，大兵抵湘潭縣，偽將軍馬進忠等遁。寶慶王率兵向衡州進發，屢敗賊兵。廿三日，抵衡州，大敗賊兵，追殺二十餘里，斬獲甚衆。給事中王廷諫言：盜賊恃富主為巢窟，乃

敢為窩主者。非地方毫惡。即投充莊頭也。力
足以轉辦。勢足以庇護。請自後追問窩家。如
係庄頭及投充人等。即行擒拿解部。從之。

命貝勒屯齊為定遠大將軍。統征剿湖南大
兵。諭護軍統領阿爾津、韓岱、宜爾德等率
師往會湖南大兵。上幸內院。謂大學士等
頃黃臚李三一細民耳。住居外。復多造房屋。

每間飾修整齊其故何也承疇對曰其房屋
分照六部或某部人至或自外來有事某部
者即入某部房內上曰以一細民而越分妄
行如此故天使之敗耳上又曰李三為民大
害諸臣畏不敢言鞠審日審完我陳之遴默
無一言鄭親王詰之之遴始曰李三巨惡誅
之則已倘不行正法之遴必被陷害此豈非

重身家性命乎。名夏日李三雖惡一御史足以治之。臣等叨為大臣發奸摘伏。非臣所司。且李三廣通線索。言出禍隨。願惜身家。人之恒情也。二月。浙閩督劉清泰言。臣遵密諭。細察廈門一窟。素稱鄭逆老巢。撫臣張學聖。道臣黃澍。鎮臣馬得功。垂涎金穴。乘成功。他出。潛師往襲。悉攫其家貲。以致鄭逆索。

償修怨海郡淪陷命禘三人及按臣王應元
職解京嚴訊 正月

上幸內院閱通鑑問漢高文光武及唐太宗
宋太祖明太祖孰優陳名夏對曰唐太宗似過
之

上曰不然明太祖立法周詳可垂永久歷代
之君皆不及也 二月諭各部有兩滿尚書

者裁其一

上幸內院覽少詹事李呈祥疏部院衙門應
裁滿官。畱任漢人。顧謂大學士洪承疇等曰。
李呈祥此疏大不合理。朕不分滿漢一體眷
遇。爾漢臣奈何反生異意。若從實而言。首崇
滿洲理所宜也。三月。賜太常寺卿管欽天監
事湯若望號通懸教師。

上幸南臺持弓。願謂諸臣曰。我朝定天下。以此弓。朕於每年出獵二三次。練習騎射。今天下之大機務。冗繁一應。章奏朕躬親為批斷。身雖不暇。心常念茲不忘。諸臣曰。

皇上居安思危。真天下之福。臣等願

皇上始終常存此念耳。

上曰。卿等恐朕志不堅。有違此言。朕自堅厥

志鄉等亦當堅心輔政使天下義安又上諭

各衙門本章內漢字宜先書官員銜名次書
謹題字樣次書所條陳為某事諭工部

王墳園因伊罪惡竟行廢壞似屬不忍其房
屋門牆俱著修理柱用黑色仍命信郡王撥
人看守

上御太和門親試兼翰林銜吏部侍郎克成

鞏禮部侍郎張端及內三院學士劉正宗編
檢以上官六十二員君子懷德論一編請立
常平疏一道論吏部國家官人內外互用
方見真才朕親試詞臣量為分別有堪授外
任者檢討以上官照詞臣外轉舊例優與司
道員缺衰病者聽其請告朕仍優遣之命
察核六部都察院卿寺各衙門官員偏沅

撫奏拿獲故明福清王嫡子朱由杞得旨即
在被正法。欽天監奏連日夜見火星逆行
房宿初度在黃道南宜防火災。以早下詔
求直言。省刑獄。五月停止各省巡撫其十四
道京畿道御史止留二十員餘俱裁。命
駐防江寧府昂邦章京哈木為靖南將軍
往征廣東逆寇。命大學士洪承疇為太保

兼都察院右副都御史兼太子太師內國史翰林院大學士兵部尚書經畧湖廣廣東廣西雲南貴州等處地方總督軍務兼理糧餉聽擇扼要處所駐扎撫提鎮以下悉聽節制六月設廣東廣西總督一員以李率泰為之戶工兵三部遵諭改折各省本色錢糧歸於一條鞭法總收分解永為例從之

定遠大將軍多羅貝勒屯齊奏二月廿八日
大軍抵永州偽安西王李定國遁度龍虎關
去三月初十日我軍向寶慶進發十五日宿
岔路口偽秦王孫可望自靖州來與馮雙禮
白文選馬進忠諸賊合我軍分擊大敗之斬
獲無算新廣東左布政使胡章言臣聞靖
南王耿繼茂平南王尚可喜藩下官兵有擄

掠鄉紳婦女及占住藩司公署濫委官員事
命二王回奏十一年正月耿繼茂疏辦胡章
所劾兵丁肆掠一事前大兵抵廣州城中死
拒閱九月乃下士卒食風宿雨砲擊鋒場不
知凡幾城下之日即食肉寢皮未足以洩
其恨城中皆為賊黨俘獲寔多至兵占官署
官占民房此始入城有之其後酌以北城住兵

馬南城居百姓一切文官分住南城料理民
事至布政使衙門仍存作公署安得謂到任
無所也十一年六月胡章因革職下刑部究
問以其失寔也六月辛亥賜故明殉難大
學士范景文戶部尚書倪元璐左都御史李
邦華副都御史施邦耀左庶子周鳳翔左中
允劉理順馬世奇檢討汪偉太常寺少卿吳麟

徵都給事中吳甘來御史王章陳良謨主事
成德金鉉駙馬都尉鞏永固及太監王承恩
等十六人謚並給田勅有司致祭設內三
院漢官大學士各三員內院題請以翰林
院五品以下官提督直隸江南江北學政其習
滿書者不差報可閏六月諭內院乃者
霖雨匝月都城內外積水成渠房舍傾壞薪

桂米珠甚者傾壓致死深可軫念皆朕不德
所致朕當一意修省祇惧天戒大小臣工各
盡職業共圖消弭該部確查被災戶口據寔
奏聞戶科給事中周曾發言傾者造建乾
清宮數月以來雷燬先農壇門又霖雨連綿
沒田禾壞廬舍竊考五行之數土不能制水
則水濫水濫則土陷而木浮皇上有事於土

木而天心示儆匪一端伏祈暫緩興工云云
得旨這本說的有理 七月都察院承政署
賴言請暫停乾清宮工及不必專立司禮監
衙門名色得旨所奏是但衙門雖設事權不
在寺人乾清宮物料已辦仍遵前旨行 鄭
親王傳集諸王貝勒及部院堂官會議以雨
潦異常請暫停殿工以錢糧賑濟軍民從

之。戶部等會議以後鑄錢務照定式每文
重一錢二分五厘精工鑄造背面鑄一厘字
每千文作銀一兩有不遵治以罪充行聞
喀爾喀部落相約率兵向內命多羅安郡王
岳洛為宣威大將軍統兵戍防歸化城八月
以

太宗皇帝第十四女和碩公主嫁吳三桂子

應熊諭禮部自古立后皆慎重遴選使可
母儀天下。今后乃睿王於朕幼時因親定婚
未經選擇。宮闈參商已歷三載。淑善難期。
不足仰承宗廟之重。謹於八月二十五日奏
聞。

皇太后降為靜妃。改居側宮。九月耿繼茂
哈哈木克復潮州。十月庚午昏刻。水木二

星合於女宿度。十一月庚子夜金星於木星在女宿。十二月命都統陳太為定南靖寇大將軍同都統藍拜濟什哈蠡章京蘓克薩哈等統兵駐鎮湖南以孫可望蹂躪湖南也。

順治十一年正月海寇犯崇明靖江泰興官兵擊走之。海寇犯金山。二月命尚可喜

專鎮廣東耿繼茂移駐桂林三月大學士
寧完我劾大學士陳名夏結黨懷奸情事巨
測其畧曰陳名夏痛恨我朝薙髮鄙棄我國
衣冠曾謂臣曰要天下太平只須留頭髮復
衣冠臣思我國能一天下以衣服便於騎射
故也今名夏欲寬衣博帶是計弱我國也
一名夏父子居鄉暴惡士民怨避居江寧

國公花園中。此園例應入官。價值十萬。江寧各
官。公捐三千兩。代為納贖。其子掖臣。包占故
明吏部吳昌時女。橫行江寧城中。坐大轎。列
棍扇。說人情。納賄一。趙延先。不當陞而陞。名
夏。反欲處言官。而罪同列。甄別翰林。本出聖
裁。而名夏直任去留。由已攬權欺詐。一名夏
如親。史孺網任浙江道時。誣朱秀才為故明

宗支抄其家貲巨萬逼其親人姓名浙撫蕭
起元劾其贓私奉旨卑職提問名夏利其
田先許其開復官贓此案八年未結一探花
張天植告假回南名夏助銀百兩天植于伊
妻子處還本利五百兩名夏不知以為騙已
故言天植得罪於我所以外轉及還銀信到
見天植又曰還汝翰林可也一吏科魏象樞

係名夏姻親結為一黨象樞誤叅司官錢受
祺擅委中軍後自檢舉部覆受祺無罪免議
象樞降調用名夏輒票部本罰俸六個月一
臣等公立一簿于分票事件下各親書姓氏
以防推諉一日名夏將公簿註姓塗抹一百
一十四字不知作弊又在何件一上命內
大臣傳出科道結黨諭旨臣書稿底名夏抹

去擠吳排孤一語改明季埋設局中因而受
禍今方馳觀域外豈容成姦四語名夏糾黨
姦究情形恐

皇上看破故欲以隻手障天也云云吏部等

衙門會鞠俱寔着菱紋戊申

聖祖仁皇帝生命啓事翰林等官陞補俱
歸吏部從大學士范文程等請也四月御

史年雲龍條奏五事。一、漕白折乾之弊當除。
一、劣生包攬之害宜革。一、生員充當里長宜
禁。一、八旗分防不宜更調。一、官設買賣人宜
止。章下有司。鞫訊大學士陳名夏子掖臣。
倚恃父勢恣行不法。諸事俱寔。奉旨免死。決
杖遣戍盛京。五月。吳三桂劾奏原任四川巡
按郝浴飾詞冒功。免死流盛京。六月。以都

統朱瑪喇為靖安將軍，剿廣東賊寇。十月，
尚可喜、耿繼茂奏報逆賊李定國猝陷高明，
復圍新會，請速發禁旅下兵部。十二月，命
世子濟度為定遠大將軍，征剿鄭成功。尚
可喜等奏與靖南將軍朱瑪喇合兵，屢敗賊
兵。李定國遁走新會，圍解。命都統明安達
禮統兵征羅刹於黑龍江。

順治十二年正月廣西斬土賊偽總兵廖篤
增於玉版泉吏部遵諭開列科道等從前
言事不當及糾叅失寔降革者向玉軒等四
十人原案情由奏請復吳達等七人官左
都御史屠賴等言愛民莫先除害近聞八旗
投充之人自帶本身田產外又任意私添或
指隣地近之地據為己業或連他人之產隱避

差徭被占之民既難控訴國課亦為虧減上下交困莫此為甚宜勅戶部將投充之人照原投部檔查核給地外其多占地畝即退還原主庶民累稍甦而賦租亦增矣又年來因逃人衆多立法不得不嚴但逃人三次始絞而窩主一次即斬又將隣佑流徙似非法之平也竊謂逃人如有窩主者逃人處死即將

窩主家產人口斷給逃人之主兩隣甲長責
懲該管官員議處無窩主者俱照例免給主
其自投歸主及窩主首出者俱照例免議庶
逃人少而無辜之連株者亦少再如建言降
革諸科道已蒙特旨令吏部開列事由奏請
矣查禮部郎中郭一鵬徒流詞臣李呈祥侍
郎魏瑄等其罪雖分輕重寔皆由於進言似應

一體開列。庶不虛省。過惜才盛。典得旨著。王
大臣等會議。給事中李嗣言。逃人一事。立
法過重。連株太多。使海內無貧富。無良賤。無
官民。皆惴惴焉。莫保其身家。可為痛心者一
也。法立而犯者衆。勢必有以逃人為奇貨。縱
令禁詐。則富家立破。禍起奴婢。則民分蕩然。
可為痛心者二也。犯法不貸。牽引不原。即大

逆不道無以加此且破一家即耗朝廷一家
之供賦殺一人即傷朝廷一人之培養古人
十年生之十年殺之今乃以逝人一事戕之
乎可為痛心者三也人情安居何苦相率而
逝至三萬之多不以恩養義維繫其心而但
以法窮其所往可為痛心者四也即自捕獲以
後起解質審道途騷擾冤陷寔繁藤曼不已

生齒凋敝。可為痛心者五也。且飢民流離地
方。官以挨查逃人。故閉關不納。嗟此窮黎。朝
廷日捐祖煮賑衣而食之。奈何以酷法苛令。
迫而斃之乎。可為痛心者六也。婦女躑躅於
原野。老稚僵仆于溝渠。強有力者。勢必挺而
走險。今寇孽未靖。何為復驅赤子作賊乎。可
為痛心者七也。今會議未幾。流徙尚陽堡。

副理事官彰長庚言諸王俱樹勲勞而睿王之
功為冠當太宗上賓堅持盟誓扶立皇
上迨郡王阿達禮貝子碩託私謀擁戴睿王
持大義立置典刑後睿王大權在握于時
皇上冲齡遠在盛京彼若肆然自帝誰能禦
之而乃先驅綏定恭迎奎輿此其功誠不可
泯也是以當其初薨尚無異議乃為時無幾

朝論紛起論罪削爵毀滅過甚即肅王妃瀆
亂一事愆尤莫掩然而功多罪少應存議親
議故之條至於私匿帝服御用等物必由彼
傳諭織造早晚齎送進御彼時暫停王府豈
可與一切私匿御用者同例而議為不軌也
方今水旱相繼似同風雷之警或其中不無
冤抑乞賜昭雪

云

云

命王大臣密議

二月

停止滿兵攜帶家口駐防武昌耿繼茂尚

可喜奏官兵追敗李定國於興業縣及橫州定

國竄入南寧府粵東高雷廉三府三州十八

縣及粵西橫州等二州四縣悉平三月侍

即趙開心以飢民流離可憫請暫緩逃人之

禁得旨趙開心沽譽市恩著降五級調用

一等子許爾安

許定國
安子

言睿王罪固難辭而功

亦不可泯。乞篤親親之誼。隆敬大臣之典。云。
云。命密議。議政王。貝勒。大臣等議。長庚欺。
誑妄言。大千國紀。許爾安。與長庚無異。奉。
旨。皆流。徒寧古塔。四月。主事達都。劾御。
史張嘉。請停滿洲関差。以滿官奉差。秉公守。
法。必不徇私。故張嘉嫉忌。奉旨降一級調用。
五月。命都統石廷柱。為鎮海將軍。駐防京口。

六月吏部郎中宋學洙以典試河南宿娼
受餽革職寧南靖寇大將軍陳泰疏報偽
將軍盧明臣偽興國侯馮雙禮攻岳州武昌
偽安南王劉文秀攻常德護軍統領蘓克薩
哈伏兵邀之擊之賊大敗明臣赴水死雙禮被
執劉文秀遁走貴州嚴禁沿海省分無許
片帆入海違者立置重典七月給事中秀

開生言家人自通州來云有使者封船奉旨
往揚州買女子云云部議秀開生不知乾清
宮需用器皿差人採辦妄聽訛言瀆奏沽名
流徙尚陽堡時寧南靖寇大將軍陳泰卒
於軍八月以都統阿爾津為寧南靖寇大將
軍同都統卓羅統大軍駐防荊州都統祖澤
潤分防長沙以孫可望擾騷湖南也九月

朱瑪喇等班師還京

十月兵科右給事中

張光文疏請遇大小官員病故俱照生前品級填給着令兵部議准行紅本十二月以舟山副將把成功從賊命都統伊爾德為寧海大將軍征之

順治十三年浙閩督屯泰奏自舟山失守海寇直泊台州副將馬信叛變獻城二月令

兩廣總督移駐梧州。從洪承疇請也。耿繼茂
奏我師抵南寧。李定國奔隆安。擒僞伯李先
芳。斬叅將杜紀等。諭諸漢臣曰。人心澆薄。
受業師畧不致禮。惟以考試官為師。以理論
自幻教育。宜始終敬謹。若試官朕所遣也。豈
受業比哉。自後明示禁草。四月。阿爾津奏官
兵大破賊渠姚黃于彝陵之蛇倒退山。招

撫俘獲無算

浙撫秦世桢以造戰船伐宋

陵樹木得旨前代陵原有明禁何得不候

旨徑行著議處伐過樹木照數裁補 七月

世子濟度奏鄭成功下總兵黃梧副將蘓明

鄭純等謀斬偽總兵華棟並殲其部兵獻海

澄縣投誠封梧海澄公 九月寧海大將軍

伊爾德奏海逆偽總兵王長樹毛光祚沈爾

序等犯大蘭山遣兵敗斬之臣親趨定海縣
敗賊於衡水洋口斬賊渠陳六御阮思遂取
舟山十月阿爾津奏克何復辰州土司彭宏
澍籍所屬三州六司三百八十洞戶口以降
順治十四年正月伊爾德征舟山凱旋定
遠大將軍世子濟度奏分遣將士敗賊於泉
州府高齊陸路候官縣泉州太營烏龍江忠

安縣衛套閩安鎮諸處

二月給事中張文

光言魯哀公誅孔子曰尼公漢平帝元始元年加謚曰宣尼父後魏太和十六年改謚文聖尼父唐太宗貞觀十一年尊為宣聖尼父明皇開元二十一年始進謚文宣王元武宗至大元年加謚大成至聖文宣王明嘉靖九年改為至聖先師孔子神位我朝順治二年

祭酒李若琳不加考訂請易為大成至聖文
宣先師孔子不過仍元武宗舊謚而不稱王
耳臣請大成文宣四字豈足以盡孔子請仍
改至聖孔先師孔子神位從之三月世子濟
度班師左都御史魏裔介以災變條奏降
斥之言官宜錄不急之工程宜停催科不及
之守令宜留刑部遵旨豁開豁之冊籍宜覆

孤貧之口糧宜增。微官之俸祿宜厚。用兵之機
會宜待時。旗下之駐防宜減額。又請養聖德
以寬大。飭羣臣以修省。云云下所司。四月。

以都統宗室羅託為寧南靖寇大將軍。統兵
駐防荊州。分遣都統伯佟六十駐防長沙。以
孫可望等煽亂湖南也。八月鄭成功犯台
州府。巡道蔡瓊枝副將李必及府縣官俱降。

賊九月都統屠賴奏克復福建閩安鎮十月
命都統卓布泰副都統恭吉圖富喀等統
兵駐防江寧地震命諸臣修省十月同
考官李振鄴張我樸舉人田耜鄔作霖科臣
陸貽言等俱立斬家產籍沒父母兄弟妻子
流徙尚陽堡給事中任克溥劾其賄買中書
訛寔也十一月偽秦王孫可望與李定國

相攻不勝率妻子及標下總兵都督等來降

封義王

十二月以經畧輔臣洪承疇病愈命仍

留原任統將士同大將軍羅託等由湖廣

前進相機平定貴州以吳三桂為平西

大將軍同都統侯墨爾根侍衛李國翰統兵

由四川往貴州進討李定國命都統卓布

泰為征南將軍同提督線國客富喀莽吉圖

等由廣西進征貴州。命宗室羅托為寧南靖寇大將軍。同都統濟席哈等由湖南進討貴州。

順治十五年正月朔。以皇太后聖躬康豫。頒詔大赦。掌欽天監印務湯若望進相拒。歷命多羅信郡王多尼為安遠靖寇大將軍。同平郡王羅可鐸。貝勒尚善。杜蘭。都統伊

爾德阿爾津巴思漢卓羅等統兵進取雲南

二月刑部左侍郎杜立德劾內院學士胡

兆龍罔上行私甲午中一第兆麟今科中一

第兆鳳都城有一龍當道麟鳳齊鳴之謠又

以臣弟立本等業師朱以忠回家自縊兆龍

主使朱持正等告訐借端陷害下吏部察議

杜立德叅款不寔應革職援赦免以賄買

情弊覆試丁酉科順天舉人米漢雯等內蘓
洪濬等八名文理不通革去舉人禮部議
覆御史趙祥星疏會試大典別弊宜嚴第一
場題目請欽定得旨允之以江南新科舉
人嘖有煩言請旨覆試應停會試從御史上
官鉉請也三月李定國黨閔維龍曹延生
攻陷廣西橫州總兵馬雄尋復之諭禮部

丁酉科江南中式舉人物議沸騰是以親加
覆試今取得吳珂鳴准同會試中式舉人一
體殿試其汪溥勲等七十四名仍准作舉人
史繼佚等廿四名罰傳會試二科方域等十
四名文理不通著革去舉人 四月吳三桂
李國翰奏敗賊於台州遂進取重慶 直隸
河南山東總督張懸錫至順德府迎義王回

館自刎未絕有遺疏畧曰待罪臣張懸錫謹
奏臣自蒞任以後矢心願作忠良喜怒不拂
民欲是非必告穹蒼意欲平治天下誰知直
道難行清白招衆之忌慙直舉國如狂是以
湍腔愁鬱因而儀節乖張知此身必死何如
引咎而亡有負天高地厚從此雲蒼水茫
皇上如念臣積勞數載懷隱中藏幸赦宥乎

眷屬永拜德於泉壤。嗚呼！異世猶圖犬馬。此生惜別倉皇。臣家無餘蓄。亦無良田美宅。涖任不敢受地方官一錢。以負上恩。惜為人所誤。亦天意也。云云上命副都御史併科道官速往查明具奏。吏部等會議。賄結內監吳良輔事。奉旨陳之。遴前犯罪。應置重典。從寬以原官徙盛京。後詔還旗下。乃不思改過。又

行賄賂交結^結深負朕恩姑免罪革職并父母

妻子流徙盛京家產籍沒五月學士折庫

訥等奏訊明張懸錫自陳迎節失儀為學士

麻勒吉詰責一時惶悚無地遂引佩刀自決

旨張懸錫係朕特簡即有屈抑情節皆當陳

奏何至刎頸殊失大臣之體念其素行清謹

姑著降三級調用御史李森先請寬言臣

之罰。如言事流徙諸臣。李呈祥。秀。開生。李。相。魏。瑄。郝。浴。張。鳴。峻。等。皆。與。恩。詔。因。公。註。誤。之。例。相。符。旨。李。呈。祥。等。原。非。註。誤。李。森。先。援。引。詔。款。明。係。市。恩。著。從。重。議。處。部。議。流。徙。尚。陽。堡。上。免。之。復。原。官。諭。兵。部。近。聞。有。奸。徒。假。冒。逃。人。詐。害。百。姓。或。借。名。告。假。還。家。將。殷。寔。之。家。指。為。窩。主。或。原。非。逃。人。冒。稱。旂。下。在。外。嚇。

詐或買主冒認詭名作真或領本貿易假夥
攀害種種詐偽深為可惡今後凡有逃人本
主報明該管官將逃人之主及逃人姓名具
結報部如逃後日久方報及既獲後始稱係
伊家人者不許給主直省地方有旂下告假
私出妄為及冒稱旂下羣姦橫行者該督撫
嚴行訪拿并本主從重治罪
海澄縣遊擊

劉進忠等叛降海逆城陷廣西撫于時躍

奏偽寶慶侯賀九儀遣將曹友犯賓州官兵
敗之羅託等報克復湖南元靖等處進取

貴州省城及平越鎮遠等府卓布泰報大兵

已抵貴州所過南丹州那地州撫寧州各土

司及獨山州官兵俱就府撫六月吳三桂等

奏臣等自重慶進發逆首李定國劉文秀等

由水西道入雲南臣等收服遵義府并所屬
州縣隨抵貴州克開州城一甲一名進士
孫承恩未受職坐胞弟賜科場事應連坐流
徒特宥之授修撰張懸錫言臣迎節失誤
寔出無心乃諸臣待臣不以禮始而倨傲不
與見既而鄙薄不與言侮辱情狀誠所難堪
然臣猶再三求見再三請教冀此一念悔罪

之誠或轉達天聰乃麻勒吉愈為責備之詞
始則正告以失儀繼則漸露苛索之意云我
們到南邊洪經畧遠接餽送祁徹白諷臣餽
送駝騾臣思賄賂黨與朝廷首禁臣寧死不
敢從不從則觸諸臣之怒必謂臣有心怠慢
人臣而怠慢罪不容誅臣當時計無復之惟
有一死迫切情急寔出於此旨麻勒吉借端

苛索敢于逼迫大臣深為可恨着從重議處

鄭逆犯温州府陷平陽瑞安 七月奉

上諭吏部本朝設內三院有湍漢大學士
侍讀學士等官今斟酌往制除去內三院祕
書弘文國史名色大學士改為殿閣大學士
仍俱正五品照舊例兼銜設立翰林院設掌
院學士一員正五品其餘學士正五品內閣

滿字稱為多里吉衙門。
漢字稱為內閣。

翰林院滿字稱筆帖

黑衙門其侍讀學士以下員數官銜滿名照

漢官稱謂通著查例詳議具奏六部滿漢尚

書俱作正二品滿字仍稱阿里哈昂邦侍郎

俱作正三品。^滿仍稱阿思哈尼昂邦理事官滿

稱一齊蝦喇哈番漢字稱為郎中俱正五品

副理官滿稱愛惜喇庫哈番漢稱員外郎

從五品額者庫哈番漢字稱主事正六品司
務添設滿官稱為他庫喇布勒哈番從九品
都察院左都御史滿字稱哈思戶額爾機阿
里飛拜察喇昂邦正二品左副都御史滿稱
哈思戶額爾機阿思哈尼拜察喇昂邦正三
品左僉都御史滿稱哈思戶額爾機阿達飛
拜察喇昂邦正四品監察御史滿稱察脉^拜拖

喇哈番正七品經歷改為司務添設滿員稱
他庫喇布勒哈番從九品通政使司通政使
滿稱阿里飛哈分布勒^哈番正三品左通政滿
稱喀思戶額爾機哈分布勒哈番正四品右
通政滿稱一齊額爾機哈分布勒哈番正四
品左叅議滿稱哈思戶額爾機愛惜喇庫哈
番^哈番右叅議稱一齊額^爾機愛惜喇庫哈

番正五品經歷改為司務添設滿官稱他庫
喇布勒哈番從九品大理寺卿滿稱阿里哈
哈番漢稱卿正三品少卿滿稱一爾希哈番
正四品寺丞滿稱惜喇脉哈番正五品寺正
滿稱一齊蝦庫正六品寺副稱愛惜喇庫從
六品評事稱滿者庫正七品司務添滿官稱
他庫喇布勒哈番從九品這改定官名通行傳

諭各衙門。啟心郎原因諸王貝勒管理部院
事務而設。今宗人府。啟心郎仍照舊。其餘部
院。啟心郎俱着裁去。其太常寺等衙門官名
品級。着一併詳議。盡具奏。特諭。十二日。張
懸錫。自縊於聖安寺。鎮守寧古塔都統沙
爾虎達等報擊敗羅刹兵。獲人口甲仗。草
侍郎祁徹白。騎都尉并所加之級。草學士胡

兆龍尚書銜并所加之級革麻勒吉所加之
級再降二級俱仍留原任以其沿途受督撫
餽遺復苛索挾逼總督張懸錫也八月以
逆賊譚詣等犯重慶命總督李國英入川撲
剿十一月刑部審寔江南鄉試作弊一案
旨正主考方猷錢開宗即正法同考官葉楚
槐等即處絞十二月命都統明安達禮為

安南將軍同都統俄羅塞臣賽音達禮護軍
統領席伯臣車爾布等統大軍赴貴州與經
畧洪承疇共議要地駐札
洪承疇奏水西
宣慰司安坤投誠

順治十六年正月川東僞侯譚詣殺其兄譚
文來降譚宏亦遣人納款
初安遠大將軍
多尼征西大將軍吳三桂征南將軍卓布泰

會於平越府之楊老堡。議分兵進取雲南。多
尼自貴陽入。三桂自遵義入。卓布忒自都勻
入。訂于十二月會師雲南省城。多尼兵至安
莊。斬其偽劉將軍。追至盤江。賊焚鉄鎖橋遁
去。我軍作浮橋而濟。至松嶺衛。偽鞏昌王白
文選率兵拒敵。我兵分擊大敗之。遂進抵雲
南。三桂兵至七星關。白文選屯兵守險。乃從

水西苗獠界間道度関以襲其後賊聞風遁
去遂直趨烏撒卓布忒兵至盤江之羅顏渡
口賊扼險沈船我軍從下流十里取所沈船
乘夜潛賊潰斬偽伯李成爵于梁瑞津時李
定國據雙河口山頂卓布忒遣兵奮擊敗之
至陸格定國復列柵拒守卓布忒分兵為三
張左右擊之再戰再捷追四十餘里聞賊尚

據鉄鎖関橋乃從普安州間道入雲南三路
大師俱入省城定國文選與永厯奔永昌

給事中楊雍建言臣前使粵東目擊粵民困
苦一濫委之害一濫派之害一里役無定例
之害一用夫無限數之害一私埤之害一私
稅之害一砍柴之害一採木之害今川貴抵
定請移一王鎮撫其地以救粵民疲困下所

司議

三月立明崇禎帝碑大學士金之俊

撰文

命平西王駐鎮雲南平南王駐鎮粵

東靖南王駐四川

閏三月左都御史魏裔

介陳四事一國子監宜隆其品秩久任以責

成功一直隸順天保河等府自園地圖房後

飢寒為盜請勅查明無碍官地撥給至京都

內城納與官地者即令永業勿復圖為園圃

一、請嚴禁福建、江南、江西等處溺女惡俗。一、京師根本重地，必使貴賤有別。刑部尚書圖海負恩溺職，免死革職，籍其家。授偽新津侯譚宏為慕義侯，偽仁壽侯譚詣為向化侯。四月，多尼、吳三桂、卓布泰報臣等遣兵剿白文選於玉龍關，文選遁，追擊敗之，擒偽總兵吳三貴，賊燒爛滄江之鉄鎖橋遁走。

臣等發兵克永昌府永歷及定國竄騰越我
兵渡瀘江定國伏兵磨盤山我兵分八隊冲
擊斬偽伯竇名望賊遁入石門逸去遂克騰
越復自騰越過南甸至孟村賊三宣六慰遁
去乃班師回省定南王屬下總管李茹椿
孔有德子廷訓順治九年陷寇于十五年十
二月十六日遭李廷國慘害吳三桂奏偽

慶陽王馮雙禮遁走四川。偽德安侯狄三品。
執之以獻。

上命押雙禮來京安置。尋授三品。扃誠侯。

又奏偽伯朱養恩等以嘉定州降。七月命

內大臣達素為安南將軍。同都統索洪護軍。
統領賴塔統兵征剿鄭成功。以其竊犯瓜州。
江寧等處也。故明廢宗朱義盛謀反。並其

党舒英等俱伏誅

八月江南總督卽廷佐

奏海寇自陷鎮江於六月念六日逼犯江寧

幸貴州凱旋副都統噶褚哈馬爾賽等從荆

州乘船歸聞賊疾赴救同臣及駐防都統哈

哈木等兩路出擊敗之七月二十日成功親

登陸攻犯江會寧會總兵梁化鳳遊擊徐立第

叅將張國俊等各領兵至廿三日剿賊擒偽

總督余新斬偽總兵二次。日五更出剿賊大
敗擒偽提督甘輝並偽總兵等官焚賊船五
百餘隻賊順流遁官水陸追之鎮江瓜州悉
恢復。命都統劉之源為鎮海大將軍領兵
駐鎮江。四川撫高氏瞻奏統兵進取成都
川西底平。安南國都將太傅宗國公武公
恣遺自吏赴信郡王軍前納款。九月江寧

撫蔣國柱奏鎮江失守時知府戴可進等六
員副將高謙等十四員皆從逆十月洪承
疇以目疾乞休准其回京調理十二月命
耿繼茂移駐廣西提督線安國著來京

順治十七年正月禮部議覆給事中姚延啟
請照例再行嚴禁大小官員私交私宴及慶
賀餽送先之給事中楊雍建言今之妄立

社名糾集盟誓者所在多有而江南之蘓松
浙江之杭嘉湖為尤甚其始由於好名其後
因之植黨請飭學士臣嚴禁不得妄立社名投
刺往來亦不許用同社同盟字樣得旨嚴行
禁止二月吳三桂奏官兵大破賊于普洱
征南將軍卓布泰等班師仍設鳳陽巡撫
駐泰州從漕督蔡士英請也吏部等會議

蘓松巡撫馬騰陞為湍兵驕悍成習妄請撤
京口駐防應革職遇赦免議從之三月諭
兵部以後固山額真漢字稱為都統梅勒章
京稱副都統甲喇章京稱叅領牛祿章京稱
佐領昂邦章京稱總管四月禮部議廣西
巡撫李秀言粵西鄉試舊額六十名因地方
未闢止中四十名今奉各省中額減半之旨

但今全省俱復，應仍照原額中六十名從之。
吳三桂言：滇南負固，有年一期戡定，獨永
歷在緬。李定國、白文選等分住三宣六慰，孟
良一帶籍永歷以鼓惑衆心，窺我邊防。患在
門戶，號召諸蠻，患在肘腋。投誠生心，患在腠
理。請大舉入緬，以靖根株。五月，以亢旱疫
癘，詔來直言。安遠靖寇大將軍、信都王

多尼班師。六月，御史顧如華言：帝王廟從

祀功臣，惟宋臣潘美雖平南漢有功，然斜谷
之敗，不能制護軍王侁，擅離陳家谷口，致楊

業父子無援而死。宋之不能復征契丹，寔由

此敗。又宋臣張俊三命為將，而一敗於富平，

關陝淪亡，再敗于淮西，鄜瓊叛命，三敗于符

離，而中原不可復。且勅李綱陷曲多後典端與岳飛

議不合。奏飛欲專兵柄。此二臣宜罷。從祀。允之。命翰林官為三班。直宿景運門。掌翰林學士。折納庫言。封駁之。典宜行。國學訓課之。典宜興。二事部議從之。七月。命耿繼茂移駐福建。命都統宗室羅託為安南將軍。征海寇鄭成功。同尚書車克內大臣達素都統索渾等。內大臣伯索尼請禁滿洲霸佔。

市井貿易及滿洲家人強買市物從之八

月議政王等議奏舟山及本朝棄地守亦無

用應令^明安達禮率滿兵回京以男品級

沈永忠為掛印將軍鎮廣東立功贖罪遣

內大臣公愛星阿為定西將軍征李定國

九月以海氛未靖迂同安之排頭海澄之方

田沿海居民入十八堡及海澄內地安插從

叅似應泰

李率叅言也。

十一月移甘州巡撫駐涼州。



